



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Constantinopolitano Imperatori.

urn:nbn:de:hbz:466:1-20006

sanguinem transmutari ut expressius elucideat proprietas sacramenti. Nam cum aquae multae sint populi multi juxta quod alibi legitur, *Beati qui seminant super aquas,* ideo vino aqua unitur ut Christo populus adunetur. Per hoc enim quod & fulcepit ipse de nostro & accipimus ipsi de suo, tam insolubili nexo conjungimur ut qui est unum cum patre per ineffabilem unitatem, fiat unum nobiscum per admirabilem unionem, ac per hoc ipso communiter mediante cum patre unum efficimur.

Pater, inquit, sancte, serva eos in nomine tuo quos dedisti mihi, ut sint unum, sicut & nos.

Non pro eis rogo tantum, sed pro eis qui credituri sunt per verbum eorum in me, ut & ipsi in nobis unum sint, & mundus credat quia tu me misisti.

Tertio vero loco fraternitas tua requisivit quis mutaverit, vel quando fuerit mutatum, aut quare, quod in secreta beati Leonis secundum antiquiores codices continetur, sic videlicet, *Anne nobis, Domine, ut anima famuli tui Leonis haec proficit oblatio,* cum in modernioribus sacramentoriis habeatur: *Anne nobis, Domine, quas sumus, ut intercessione beati Leonis haec nobis proficit oblatio.* Super quo tibi taliter respondemus, quod quis illud mutaverit, aut quando mutatum fuerit, ignoramus. Scimus tamen qua fuerit occasione mutatum; quia cum scripturæ dicat auctoritas quod injuriam facit martyri qui orat pro martyre, idem est ratione consumili de sanctis aliis sentiendum, quia orationibus nostris non indigent, pro eo quod cum sint perfecte beati, omnia eis ad vota succedunt; sed nos potius orationibus eorum indigemus, quos, cum miseri simus, undique mala multa perturbant. Vnde quod in plerisque orationibus continetur, proficit videlicet vel proficiat *hunc sancto, vel illi talis oblatio ad gloriam vel honorem,* ita sane debet intelligi ut ad hoc proficit quod magis ac magis a fidelibus glorificetur in terris, aut etiam honoretur: licet plerique reputent non indignum sanctorum gloriam usque ad iudicium augmentari, & ideo Ecclesiam interim sane posse augmentum glorificationis eorum optare. Vtrum tamen in hoc articulo focium habeat illa distinctio qua docetur quod defunctorum alii sunt valde boni, alii sunt valde mali, alii mediocriter boni, & alii mediocriter mali, unde suffragia quæ sunt a fidelibus in Ecclesia pro valde bonis actiones sunt gratiarum, pro valde malis, consolations vivorum, expiationes vero pro mediocriter bonis, & propitiaciones pro mediocriter malis, tua

Augustinus
serm. 17. de
verbi Apostoli.

Tom. I.

discretio investigetur. De cetero tuis orationibus adjuvari petimus apud Deum.

I L L V S T R I
Constantinopolitano Imperatori.

Litteras & nuntios imperatoriae dignitatis ea qua decuit benignitate receperimus, & tam ea quæ iidem nuntij proponere voluerunt quam quæ in litteris continebantur eisdem intelleximus diligenter. Proposuerunt siquidem nobis dicti nuntij tui & id etiam tuæ litteræ continebant, quod cum Christianorum exercitus, qui venturus est in subsidium terræ sanctæ, præposuerit tuæ magnitudinis terram invadere & contra Christianos arma mouere, nostro conveniebat officio ut eos à tali deberemus proposito revocare, ne forte manus suas de Christianorum nece fædantes, & Dei exinde offendam incurrent, ac inimicos Christi, debilitati non modicum, non possent aliquatenus impugnare. Ex parte insuper tua celsitudinis ad jecerunt quod Alexio filio Isachij Angeli quondam Imperatoris, qui ad Philippum Ducem Sueviae accessit ut imperium contra te ipsius possit auxilio obtinere, favorem nullatenus præstaremus; quia imperium non debet ad eum aliqua ratione devolvi, cum illud non per successionem, sed per electionem nobilium conferatur, nisi forte genitus esset post adeptum fastigium imperatoriae dignitatis. quod utique idem Alexius non poterat allegare, cum priusquam pater ejus esset in Imperatorem promotus, natus fuerit, & quia pater ejus tunc privata erat persona, in imperio non poterat sibi jus aliquod vindicare. Id etiam ex parte tuæ celsitudinis fuit propositum coram nobis, quod cum Fridericus Imperator multum offenderit Romanam Ecclesiam, & eam odio iniquo fuerit persecutus, & filii sui patris vestigiis inharentes eam non modicum aggravarint, prædicto Duci Sueviae, ut regnum posset modo quilibet obtinere, non præstaremus subsidii vel favorem, ad quod efficiendum de facili debebamus induci, cum idem Philippus clericali fuerit charactere insignitus, & persona hujusmodi nec contrahere possint nec militari cingulo decorari vel dignitatè aliquam in populo obtainere, cum sint excommunicationis vinculo innodati. Nos autem imperiali prudentiæ taliter duximus respondendum, quod prædictus Alexius olim ad præsentiam nostram accedens, gravem in nostra & fratrum nostrorum præsenta, multis nobilium Romanorum

Epist. 121.
De causa im-
periij CP.
Vide gesta In-
noc. III, cap. 82.

QQqq

adstantibus, proposuit quæstionem, affe-
rens quod patrem ejus injustè ceperis, &
feceris etiam nequiter exceccari, eos diù
detinens carcerali custodiae mancipatos,
& quia ad superiorem nobis non poterat
habere recursum, & nos juxta Aposto-
lum eramus tam sapientibus quam in-
sapientibus debitores, ei justitiam face-
re tenebamur. Cùmque nos eidem de-
dissemus responsum juxta quod vidi-
mus expedire, recessit à nobis, & ad
prædictum Philippum sororum suum con-
citus properavit, cum quo deliberato con-
silio sic effecit quod idem Philippus nunti-
os suos ad Principes exercitus Christiani
sine qualibet dilatione transmisit, rogans
eos & petens ut quia pater suus & ipse fue-
rant jure suo & imperio nequiter spoliati,
cum eo Constantinopolitanum deberent
regnum intrare ac ad illud recuperan-
dum eidem præstare consilium & fa-
vorem, promittens eisdem quod tam in
subsidiū terræ sanctæ quam in expensis
& donativis eis magnificè responderet, pa-
ratus etiam in omnibus & per omnia no-
stris stare mandatis, & quod sacrosanctam
Romanam Ecclesiam vellet juxta posse
suum modis omnibus honorare ac ea effi-
cere quæ nostræ forent placita voluntati.
Ceterum dicti Principes deliberato consi-
lio responderunt quod cùm in tam arduo
negotio sine mandato & auctoritate nostra
non possent procedere nec deberent, nos
volebant consulere super his, ac exinde
præstolari nostræ beneplacitum voluntatis,
inducentes dilectum filium nostrum Pe-
trum tituli sancti Marcelli Presbyterum
Cardinalem, qui cum eis transfretare de-
bebat, ut ad præsentiam nostram rediret,
& super prædictis omnibus nostram inqui-
reret voluntatem. Verum idem Cardinalis
ad præsentiam nostram accedens, om-
nia nobis curavit proponere diligenter, &
cùm nuntij tui ad nostram accesserint præ-
sentiam, super his cum fratribus nostris
habebimus tractatum, & illud statuemus
quod tibi poterit meritò cōplacere, quam-
quam plures affererent quod hujusmodi
postulationi benignum deberemus præsta-
re favorem, pro eo quod Græcorum Ec-
clesia sit apostolicæ sedi minus obediens &
devota. Super eo autem quod de juvando
illo ad Romanum imperium obtinendum
qui Romanam Ecclesiam deberet dilige-
re & nostris obsecundare mandatis tua nos
celitudo voluit commonere, neveris quod
licet prædictus Philippus potens sit &
multum abundet, tamen Rex Otho adeo
nostro studio & diligentia mediante per

Dei gratiam est promotus quod contra
eum ille hacenus non potuit prævalere;
ad quod exequendum quantum nobis sub-
veneris, licet multa fuerint nobis promis-
sa, imperialis excellentia non ignorat;
quod utique tantò gratius deberes habere
quantò id te non promerente noscitur pro-
curatum. Si enim idem Philippus obti-
nuisset imperium, multa tibi ex imperio
suo gravamina provenissent, cùm perter-
ram carissimi in Christo filij nostri Frideri-
ci illustris Regis Siciliæ nepotis sui in im-
perium tuum insurgere de facili potuisset,
sicut Henricus olim Imperator frater suus
per Siciliam tuum proposuerat imperium
occupare. Licet autem à tempore inclita
memoriae Manuels prædecessoris tui Con-
stantinopolitanum imperium non merue-
rit ut talia efficere deberemus, cùm sem-
per nobis & prædecessoribus nostris per
verba responsum fuerit, & nihil operibus
demonstratum, in spiritu tamen lenitatis
& mansuetudinis duximus procedendum,
credentes ut inspecta gratia quam tibi feci-
mus emendare celeriter debeas quod tam
à te quam à prædecessoribus tuis minus
providè hacenus est omisum, cùm &
secundum humanam industriam id debe-
res studio sissimè procurare, ut ignem in
remotis partibus extingueres, non nutri-
res, ne usque ad partes tuas posset ali-
quatenus pervenire. Rogamus igitur im-
perialem excellentiam, monemus, confu-
limus, & hortamur, quatenus quicquid
super his duxeris statuendum, operibus
nobis & non verbis dumtaxat studeas re-
pondere; quia nos dilectionem quam ad
te habemus in opere demonstrare curavi-
mus & effectu. Disposuimus autem no-
strum propter hoc nuntium destinare; qui
si fortè tardaverit, tu tamen non tardes
super hoc nobis sicut expedire cognoveris,
respondere. Datum Laterani xvi. Kal-
end. Decembris.

*NOBILI VIRO WILLEMO
Domino Montispessulanī.*

PEr venerabilem fratrem nostrum Arelatensem Archiepiscopum ad se-
dem apostolicam accedentem tua nobis nobilitas supplicavit ut filios tuos legitima-
tionis dignaremur titulo decorare, quatenus, eis quod minus tibi succederent, nata-
lium objec̄tio non noceret. Quod autem super hoc apostolica sedes plenam habeat
potestatem, ex illo videtur quod cùm diversis causis inspectis cum quibusdam
legitimè genitis, non naturalibus tantum, sed adulterinis etiam dispensarit, sic ad-

Epist. 118.
De legitimâ-
tione libero-
rum.
Cap. Per vene-
rabilēm. Qui
fil. si. legit.
Vide lib. 2. de
concord. factur.
& imp. 1. 2.